



Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

Quintilianus, Marcus Fabius

Lugd. Batav. ; Roterodami, 1665

Cap. III. Necessariam juris civilis oratori esse scientiam.

urn:nbn:de:hbz:466:1-12945

cū, Mutii, aliique innumerabiles? ¹ Quantum enim Græci præceptis valent, tantum Romani (quod est majus) exemplis. ² Tantumque non cognatis id è rebus admoneri scier, qui non modo proximum tempus, lucemque præsentem intueri satis credat, sed omnem posteritatis memoriam, spatiū vitæ honestæ, & curriculum laudis existimet. Hinc mihi ille justitiæ haustrus bibat, hinc sumptam libertatem in cauissis atque consiliis præstet. Neque erit perfectus orator, nisi qui honeste dicere & sciet, & audebit.

¹ Quantum enim.] Cic. 3. de Oratore: Nam ut virtutis à nostris, sic doctrinæ sunt à Græcis exempla repetenda. Pafferat. Pith.

² Tantumque non.] Significare videtur Historiam Romanorum, cuius cognitio est oratori pernecessaria, pulcherrimam esse: ex qua colligere possit aliquis, non habendam esse duntaxat rationem præsentis vitæ, sed multo magis immortalitatis, quanquam id referri posset etiam ad totam philosophiam, & ea quæ dicta sunt. Turneb.

C. A. P. III.

Necessariam juris civilis oratori esse scientiam.

¹ *Juris quoque civilis necessaria* huic viro *scientia* est, & modis
rum ac religionum ejus reipublicæ quam capescet. Nam
qualis esse suafor in consiliis publicis privatisve poterit, tot
rerum quibus præcipue civitas continetur, ignarus? ² Quo
autem modo patronum se cauſarum non falso dixerit, qui
quod est in cauſis potentissimum, sit ab altero petiturus?
pene non dissimilis iis, qui poëtarum scripta pronuntiant.
Nam quodammodo mandata perferet, & ea quæ sibi à ju-
dice

Jus civile pars est philosophiae moralis: continetur enim sub parte politica. est autem jus civile positum aut in magistratibus & rebus humanis, aut in sacerdotibus & rebus divinis. Sic enim partitur Cic. in lib. de Legibus, & jurisconsultus titulo primo pandectarum. Turneb.

¹ *Juris quoque civilis necessaria,* &c.] Jul. Severianus libello de arte dicendi: *Oratori Juris Civilis neque omittendum* est, nec penitus appetendum. Nam

nec ruditis esse debet *Juris Orator*: & si se multum juris scientie dederit, plurimum de cultu Oratoris atque impetu remittit. Quod fortassis ex antiquo scriptore mutuatum à Jul. Severiano Fabius hic quasi ex professo reprehendere videtur. Pafferat. Pith.

² *Quo autem modo.*] Nonnulli enim oratores juris ignari solebant jurisconsultos consulere, quum jure videbatur cauſa egere. Turneb.

dice credi postulaturus est, aliena fide dicet: & ipse litigantium auxiliator egebit auxilio. Quod ut fieri nonnunquam minore incommodo possit, cum domi præcepta & composta, sicut & cætera quæ in caussa sunt, in discendo cognita ad judicem perferet: quid fiet in iis quæstionibus quæ subito inter ipsas actiones nasci solent? non deformiter respectet? & inter subsellia¹ minores advocates interroget? Poteſt autem ſatis diligenter accipere quæ tum audiet, cum ei dicenda ſunt? aut fortiter affirmare, aut ingenue pro ſuis dicere? poſſit in actionibus: ² quid fiet in altercatione, ubi occurrendum continuo, nec libera ad diſcendum mora eſt. Quid ſi forte peritus juris ille non aderit? Quid ſi quis non ſatis in ea re doctus, falſum aliquid ſubjicerit? Hoc enim eſt maximum ignorantiae malum, quod credit eum ſcire, qui moneat. ³ Neque ego ſum noſtri moris ignarus, oblitusve eorum qui velut ad arculas ſedent, & tela agentibus ſubminifrant: neque idem Græcos quoque nescio factitasſe, unde nomen his *pragmaticorum* datum eſt. Sed loquor de oratore, qui non clamorem modo ſuum cauſſis, ſed omnia quæ profutura ſunt, debet. ⁴ Itaque, eum nec inutilem ſi ad horam forte conſtitterit, ⁵ neque in teſtationibus faciendis eſſe imperitum velim. Quis enim potius præparabit ea, quæ cuin aget, eſſe in cauſa velit? Niſi forte imperatorem quis idoneum credit in præliis quidem strenuum & forteſ, & omnium quæ pugna poſcit, artificem: ſed neque dele-

ctus

¹ *Minores advocates.*] *Advocatum* hic appellat eum qui jus ſuggerit, ut ait Asconius, aut certe alluſit ad conſuetudinem antiquam: multi enim erant unius cauſe defenſores. Sit igitur major *advocatus* ille qui orationem habet: cæteri minores, qui opera & conſilio adjuvant. *Idem.*

² *Quid fiet in altercatione.*] *Altercationem* Fab. appellat contentioſam diſputationem per alternam interrogatiōnem & responſionem, quæ fieri ſolebat poſt orationem perpetuam. *Vide Fab. lib. 6. cap. 5.* *Idem.*

³ *Neque ego ſum.*] Apud Romanos, ut docet Asconius, quidam erant *advocati*, quidam *cognitores* & *subscriptores*, qui oratorem adjuvabant, jufque ſuggerabant. ſic apud Græcos erant *pragmatici*, veluti quidam *formularii* & *leguleii*, qui oratorem instruebant, jufque miniſtrabant. *Idem.*

⁴ *Itaque eum nec inutilem ſi ad horam, &c.*] *Vide Turneb. Adversarior. lib. 2. cap. 27.*

⁵ *Neque in teſtationibus faciendis.*] Turneb. *Advers. lib. 1. cap. 27. p. 67.*

a Nanqe

ctus agere, nec copias contrahere atque instruere, nec prospicere commeatus, nec locum capere castris scien-tem: prius est enim certe parare bella, quam gerere. At-qui simillimus huic sit advocatus, si plura quæ ad vincendum valent, aliis reliquerit: cum præsertim hoc, quod est ma-xime necessarium, non tam sit arduum, quam procul in-tuentibus fortasse videatur. ¹ Namque omne jus quod est certum, aut *scripto aut moribus constat*: dubium æquitatis re-gula examinandum est. Quæ scripta sunt, aut posita in more civitatis, nullam habent difficultatem, cognitionis sunt enim, non inventionis. at quæ consultorum responsis ex-plicantur, aut in verborum interpretatione sunt posita, aut in recti pravique discrimine. Vim cuiusque vocis intellige-re, aut commune prudentium est, aut proprium oratoris: *æquitas optimo cuique notissima*. Nos porro & bonum virum, & prudentem in primis oratorem putamus: qui cum se ad id quod est optimum natura, direxerit, non magnopere commovebitur, si quis ab eo consultus dissentiet, cum ipsis illis diversas inter se opiniones tueri concessum sit. Sed et-iā si nosse quid quisque senserit, volet, lectionis opus est, qua nihil est in studiis minus laboriosum. ² Quod si plerique desperata facultate agendi, ad discendum jus declinaverunt, quam id scire facile est oratori, quod discunt qui sua quo-que confessione oratores esse non possunt? Verum & M. Cato cum in dicendo præstantissimus, tuū juris idem fuit peritissimus: & Scævolæ Servioque Sulpitio concessa est etiam facundiæ virtus. ³ Et M. Tullius non modo inter agen-dum

¹ *Namque omne jus.*] Jus appellat cer-tum, quando causa ad certam legem aut ad certam consuetudinem refertur: jus du-bium: quando causa certam non habet le-gem. neque enim leges scribi possunt de omnibus rebus. Jus igitur illud peten-dum est aut ab æquitate, aut ab aliqua legis similitudine, aut ab opinione ali-cujus jurisconsulti. *Turnib.*

² *Quod si plerique.*] Cic. in oratione

pro Muræna ait, quemadmodum apud Græcos qui citbarœdi esse non possunt, aulœdi fiunt: ita apud Romanos qui ora-tores esse non possunt, fiunt *jurisconsulti*. Idem.

³ *Et Marcus Tullius.*] Cic. lib. primo de *Orat.* sub persona *Craſti* pollicetur se jus civile redacturum in artem. jam in lib. de rep. &c in lib. de legibus multa scri-psit ad jus Romanum pertinentia. *Idem.*

¹ *Quorum*

dum nunquam est destitutus scientia juris, sed etiam componere aliqua de eo cœperat: ut appareat posse oratorem non descendere tantum juri vacare, sed etiam docendo. Verum ea quæ de moribus excolendis studioque juris præcipimus, ne quis eo credit reprehendenda, quod multos cognovimus, qui tædio laboris, quem ferre tendentibus ad eloquentiam necesse est, confugerint ad hæc diverticula desidia: ¹ quorum alii se ad album ac rubricas transtulerunt, & formularii, vel, ut Cicero ait, *leguleii* quidam esse maluerunt: tanquam utiliora eligentes ea, quorum solam facilitatem sequebantur, ² alii pigritiæ arrogantioris, ³ qui subito fronte conficta, immislaque barba, veluti despexissent oratoria præcepta, paulum aliquid sederunt in scholis philosophorum, ut deinde in publico tristes, domi dissoluti; captarent auctoritatem contemptu cæterorum. *Philosophia enim simulari potest, eloquentia non potest.*

¹ Quorum alii se ad album.] *Album appellat*, aut in quo propovebantur prætoris edicta, aut in quo scribentur judicum nomina. *appellat rubricas, juris titulos*, quia rubrica & minio tingeantur. *formularios dixit, formularum & auctorum peritos*, quique tenent (ut vulgo dicimus) curiæ stylum, qui iidem *leguleii* appellantur. hi adesse solebant patronis, illisque leges & formulas suggerere. *Idem.*

² Alii pigritiæ, &c.] Sic legend. *Alii pigritiæ arrogantioris, qui subito fronte, constructa immislaque barba, veluti depexissent oratoria præcepta, paulum aliquid sederunt in scholis philosophorum, &c.* Ita hunc locum emendavit Jan. Gebhardus.

³ Qui subito fronte conficta, &c.] Jan. Gebhard. Crepund. lib. 11. cap. 9. p. 80. Lud. Cresoll. Vacat. Autumnal. lib. 2. cap. 3. sect. 2. p. 153.

C A P. IV.

Necessariam oratori cognitionem historiarum.

⁴ IN primis vero abundare debet orator exemplorum copia, cum veterum, tum etiam novorum: adeo ut non ea modo quæ conscripta sunt historiis, aut sermonibus velut per manus

*D*ocuit lib. primo oratorem tenere debere *encyclopædiam*, nunc tamen ea scribit tantum quæ sunt magis oratori necessaria, ut *philosophia, jus civile, &*

historia. historia conducit ad exempla: quanquam exempla quoque petuntur à poëtis & rebus fabulosis, ut docuit Fab. lib. 5. Turneb.

¹ Quod